

〔明〕張之象 編
〔日〕中島敏夫 整理

唐詩類苑

六

上海世紀出版股份有限公司
上海古籍出版社

唐詩類苑 六 目錄

卷一七三	寺觀部	三
卷一七四	寺觀部	二三
卷一七五	寺觀部	三六
卷一七六	寺觀部	五〇
卷一七七	寺觀部	七二
卷一七八	寺觀部	八三
卷一七九	寺觀部	九三
卷一八〇	祠廟部	一〇八
卷一八一	祠廟部	一一八
卷一八二	產業部	一二六
卷一八三	器用部	一四九
卷一八四	器用部	一六五
卷一八五	服食部	一七八
卷一八六	服食部	一八五
卷一八七	服食部	二一〇
卷一八八	巧藝部	二二七

卷一八九	方術部	二四八
卷一九〇	花部	二五〇
卷一九一	草部	二七一
卷一九二	果部	二九三
卷一九三	木部	三〇七
卷一九四	木部	三二九
卷一九五	木部	三四四
卷一九六	鳥部	三六五
卷一九七	鳥部	三八〇
卷一九八	鳥部	三九五
卷一九九	獸部	四一四
卷二〇〇	鱗介部	四二七
	蟲豸部	四四七
	祥異部	四五二
	雜部	四六四
		四七二

唐詩類苑
(六)

唐詩類苑卷一百七十三

明雲間張之象玄超甫纂輯

晉陵孫慎行聞斯甫編次

雲間王 徹叔朗甫補訂

梁谿曹仁孫伯安甫校正

寺觀部

寺

奉和幸大薦福寺應制 趙彥昭

寶地龍飛後金身佛現時千花開國界萬善累皇基
北闕承行幸西園屬住持天衣拂舊石王舍起新祠

唐詩類苑

卷之二百五十一

一

刹鳳迎雕輦幡虹駐綵旗同霑小雨潤竊仰大風詩

奉和幸大薦福寺應制二首

宋之問

是日鄭情詩先成之問後進中宗命昭容上官氏
差第甲乙以之問二詩爲冠乘龍太子去駕象法
王歸尤警句也

香刹中天起宸遊滿路輝乘龍太子去駕象法王歸
殿飾金人影牕搖玉女屏稍迷新草木遍識舊庭圍
水入禪心定雲從寶思飛欲知皇劫遠初拂六銖衣

二

梵筵光聖印仙豫覽宏規不改靈光殿因開功德池
蓮生新步葉桂長昔攀枝湧塔庭中見飛樓海上移
聞韶三月幸觀象七星危欲識龍歸處朝來雲氣隨

奉和幸大薦福寺應制 李 乂

象設隆新宇龍潛想舊居碧樓披玉額丹杖導金輿
代日興光近周星掩曜初空歌清沛筑梵樂奏胡書
帝造還三界天文賁六虛康哉孝理日崇德在真如

奉和幸大薦福寺應制 李 嶠

鴈沼開香域鶯林降綵旒還窺圖鳳宇更坐濯龍川
桂輦朝羣辟蘭宮列四禪半空銀閣斷分砌寶繩連

唐詩類苑

卷之百五十一

二

甘雨焦蘇澤慈雲動沛篇獨慙賢作礪空喜福成田

奉和幸大薦福寺應制 劉 憲

地靈傳景福天駕儼鈞陳佳哉藩邸舊赫矣梵宮新
香塔魚山下禪堂鴈水濱珠幡映白日鏡殿寫青春
甚懼延故吏大覺極生人幸承歌頌末長奉屬車塵

奉和幸大薦福寺應制 鄭 愔

舊邸三乘闕佳辰萬騎留蘭圖承葉偈芝蓋拂花樓
國會人王法宮還天後遊紫雲成寶界白水作禪流
鴈塔昌基遠鸚鵡杯簾藻抽忻承大風曲竊預小童謳

奉和幸三會寺應制 李 乂

睿德總無邊神皇擇勝緣二儀齊法駕三會禮香筵
漢闕中黃近泰山太白連臺疑觀鳥日池似刻鯨年
滿月臨真境秋風入御絃小臣叨下列持管繆窮天

奉和幸三會寺應制 李嶠

故臺蒼頡里新邑紫泉居歲在開金寺時來降玉輿
龍形雖起剎鳥跡尚畱書竹是蒸青外池仍點墨餘
天文光聖草寶思合真如謬奉千齡日忻逢十地初

奉和幸三會寺應制 鄭愔

鳥籀遺新閣龍旂訪古臺造書臣頡往觀跡帝義來
法界山川匝宸心宇宙該梵音隨駐輦天步接乘杯

唐詩類苑 卷之二百七十三 三

舊苑經寒露殘池間劫灰散花將捧日俱喜聖祠開

奉和幸三會寺應制 上官昭容

釋子談經處軒臣刻字留故臺遺老在殘簡聖君求

駐蹕懷千古開襟望九州四山緣塞合二水夾城流
宸翰陪瞻仰天杯接獻酬太平詞藻盛長願紀鴻休

奉和幸三會寺應制 宋之問

六飛廻玉輦雙樹謁金仙瑞鳥呈書字神龍吐浴泉
淨心遙証果睿想獨超禪塔湧香花地山圍日月天
梵音迎漏徹空樂倚雲懸今日登仁壽長看法鏡圓

奉和幸三會寺應制 劉憲

岩崑蒼史臺敞朗紺園開戒旦壺人集翻霜羽騎來
下輦登三襲褰旒望九垓林披館陶膀水浸昆明灰
網戶飛花綴幡竿度鳥廻預遊仙唱動瀟灑出塵埃

長安寺 溫庭筠

仁祠寫露宮長安佳氣濃烟樹含葱蒨金剎映羊茸
繡戶香焚象珠網玉盤龍寶題新翡翠天井列芙蓉
幡長廻遠吹牕虛含曉風遊騎迷青鎖歸鳥思華鐘
雲拱承附遞羽葆背花重所嗟蓮社客輕蕩不相從

次韻和秀上人長安寺居言懷寄渚宮禪者

鄭谷

唐詩類苑 卷之二百七十三 四

舊齋松老別多年香社人稀喪亂間出寺祗知趨內
殿閉門長似在深山臥聽秦樹秋鐘斷吟想荆江夕
鳥還唯恐興來飛錫去老郎無路更追攀

題湖南岳麓寺 曹松

海雲山上寺每到每開襟萬木長不住細泉聽更深
蜩沾高雨斷鳥遇夕嵐沈此地良宵月懷隔楚砧

次潭州酬唐侍御姚員外遊道林岳麓寺題

示 沈傳師

承明年老輒自論乞得湘守東南奔爲聞楚國富山
水青嶂遲迤僧家園含香珥筆皆眷舊謙抑自忘臺

省尊不令執簡候亭館直許携手遊山樊忽驚列岫
曉來逼朔雪洗盡煙嵐昏碧波迴三山轉丹檻繚
郭千艘屯華鑣蹀躞沙步大旆綵錯輝松門樛枝
競驚龍蛇勢折幹不滅風霆痕相重古殿倚巖腹別
引新徑縈雲根目傷平楚虞帝魂情多思遠聊開樽
危絃細管逐歌飄盡鼓繡靴隨節翻銷金七言凌老
杜入木八法蟠高軒嗟余潦倒久不知忍復感激論
元元

岳麓山道林二寺行 杜甫

玉泉之南麓山殊道林林壑爭盤紆寺門高開洞庭
唐詩類苑 卷之三百三十三 五

野殿脚挿入赤沙湖五月寒風冷佛骨六時天樂朝
香爐地靈步步雪山草僧寶人人滄海珠塔劫宮墻
壯麗敵香厨松道清涼俱蓮花交響共命鳥金榜雙
迴三足鳥方丈涉海費時節玄圃尋河知有無暮年
且喜經行近春日兼蒙暄暖扶飄然斑白身奚適旁
此烟霞茅可誅桃源人家易制度橘洲田土仍膏腴
潭府邑中甚淳古太守庭內不喧呼昔遭衰世皆晦
跡今幸樂國養微軀依止老宿亦未晚富貴功名焉
足圖久爲野客尋幽慣細學何顯免興孤一重一掩
吾肺腑山鳥山花吾友于宋公放逐曾題壁物色分

留與老夫

道林寺 韋蟾

石門迴接蒼梧野愁色陰深二妃寡廣殿崔嵬萬壑
間長廊詰曲千巖下靜聽林飛念佛鳥細看壁畫馱
經馬暖日斜明蟬螻梁濕烟散暮鶯鶯瓦北方部落
檀香塑西園文書貝葉寫壞欄迸竹醉好題宦路垂
藤堪把沈裴筆力闢雄壯宋杜詞源兩風雅他方
居士來施齋彼岸上人投結夏非我未離擾擾徒勤
我休學悠悠者何時得與劉遺民同入東林遠公社

道林寺 崔珣

唐詩類苑 卷之三百三十三 六

臨相之濱麓之隅西有松寺東岸無松風十里擺不
斷竹泉瀉入於僧厨宏梁大何棟足貴山寺難有山
泉俱四時唯夏不敢入燭龍安敢停斯須遠公池上
種何物碧羅扇底紅鱗魚門閣朝鳴大法鼓天宮夜
轉三乘書野花市井栽不看山鷄飲啄聲相呼金鑑
僧迴步步影石盆水濺聯聯珠北臨高處日正午舉
手欲模黃金鳥遙江大船小於葉遠村雜樹齊如蔬
潭州城郭在何處東邊一片青模糊今來古往人滿
地勞生未了歸丘墟長卿之門久寂寞五言七字誇
規模我吟杜詩清入骨灌頂何必須醍醐白日不照

來陽縣黃天厄死饑寒軀明珠大貝採欲盡蚌蛤空
滿赤沙湖今我題詩亦無味懷賢覽古成長吁不如
興罷過江去已有好月明歸途

道林寺

李建勲

雖向鐘峯數寺連就中奇勝出其間不教幽樹妨閑
地別着高牕向遠山蓮沼水從雙澗入客堂僧自九
華還無因得結香燈社空向王門玷玉班

宿萬固寺因寄嚴補闕

耿漳

曉隨樵客到青冥因禮山僧宿化城鐘梵已休初入
定有無皆離本難名雲開半夜千林靜月上中峯萬

唐詩類苑

卷之二五三

七

壑明爲報故人雷處士塵心終日自勞生

和崔侍郎遊萬固寺

盧綸

聞說中方高樹林曙華先照轉春禽風雲才子冶遊
思蒲柳老人惆悵心石路青苔花漫漫雪簷垂溜玉
森森賀君此去君方至河北東流西日沈

題棲霞寺

綦母潛

南山勢迴含靈境依此住殿轉雲崖陰僧探石泉度
龍蛇爭翕習神意皆密護萬壑奔道場群峯向雙樹
天花飛不着水月白成路今日觀身我歸心復何處

遊棲霞寺

張翥

躋險入幽深翠微含竹殿泉聲無休歇山色時隱見
潮來雜風雨梅花成霜霰一從方外遊頻覺塵心變
與沈十九拾遺同遊棲霞寺上方夜於亮上

入院會宿

權德輿

躡山標勝絕暇日諧想矚縈紆松路深繚繞雲巖曲
重樓迴樹杪古像作山腹人遠水木清地深蘭桂馥
層臺聳金碧絕頂摩淨綠下界誠可悲南朝紛在目
焚香入古殿待月出深竹稍覺天籟清自傷人世促
宗雷此相遇偃放隨所欲清論月輪低間吟茗花熟
一生如土梗萬慮相桎梏永願事潛師窮年此棲宿

唐詩類苑

卷之二五三

八

與沈十九拾遺同遊棲霞寺上方夜於亮上

入院會宿

權德輿

偶來人境外心賞幸隨君古殿烟霞夕深山松桂薰
巖花點寒溜石磴掃春雲清淨諸天近喧塵下界分
名僧康寶月上客沈休文共宿東林夜清猿徹曙聞
與高適薛據同登慈恩寺 岑參

塔勢如湧出孤高聳天宮登臨出世界磴道盤虛空
突兀壓神州崢嶸如鬼工四角礪白日七層摩蒼穹
下窺指高鳥俯聽聞驚風連山若波濤奔湊似朝東
青槐夾馳道宮館何玲瓏秋色從西來蒼然滿關中

五陵北原上萬古青濛濛淨理了可悟勝因夙所宗
誓將挂冠去覺道資無窮

慈恩寺伽藍清會

韋應物

素友俱薄世屢招清景賞鳴鐘悟音聞宿昔心已往
重門相洞庭高宇亦遐朗嵐嶺曉城分清陰夏條長
氤氛芳臺馥蕭散竹池廣平荷隨波泛迴飆激林響
蔬食遵道侶泊懷遺滯想何彼塵昏人區區在天壤
奉和聖製又同皇太子詵遊慈恩寺應制

沈佺期

肅肅蓮花界煢煢貝葉宮金人來夢裏白馬出城中

唐詩類苑

卷之二五十五

九

湧塔初從地焚香欲遍空天歌應春籥非是爲秋風
奉和聖製又同皇太子詵遊慈恩寺應制

張說

翼翼宸思永煌煌福地開離光昇寶殿震氣遶香臺
上界幡花合中天伎樂來願君無量壽仙藻屢徘徊
同錢郎中晚春過慈恩寺 盧綸

過慈恩寺

太宗

一作高宗

日宮開萬仞月殿聳千尋花蓋飛圓影幡虹曳曲陰
霞綺遙籠帳叢珠細網林寥廓煙雲表超然物外心

奉和過慈恩寺應制

許敬宗

鳳闕鄰金地龍旂拂寶臺雲楣將葉並風牖送花來
月宮清晚桂虹梁絢早梅梵境留宸矚撥發麗天才

雪後與群公過慈恩寺

岑參

乘興忽相招僧房暮與朝雪融雙樹濕紗閣一燈燒
竹外山低塔勝間院隔橋歸家如欲嬾俗慮向來銷

春日遊慈恩寺寄暢當

耿湋

浮世人何事空門此諦真死生俱是夢衰樂詎關身
遠草光連水春篁色離塵當從庾中庶詩客更何人

同苗發慈恩寺避暑

李端

唐詩類苑

卷之二五十五

十

追涼尋寶剎畏日望璇題臥草同鴛侶臨池似虎溪
樹閑人跡外山晚鳥行西若問無心法蓮花隔淤泥

慈恩寺二月半寓言

蘇頌

二月韶春半三空霽景初獻來應有受滅盡竟無餘
化迹傳官寺歸誠謁梵居殿堂花覆席觀閣柳垂疏
共命枝間鳥長生水上魚問津窺彼岸迷路得真車
行密幽關靜談精俗態祛稻麻欣所遇蓬籜愴焉如
不駐秦京陌還題蜀郡輿愛離方自此迴望獨躊躇

酬慈恩寺有感時杓直初遊居敬方病

白居易

自問有何惆悵事寺門歸入却遲迴李家哭泣元家
病柿葉紅時獨自來

慈恩寺偶題

鄭谷

往事悠悠添浩歎勞生擾擾竟何能故山歲晚不歸
去高塔晴來獨自登林下聽經秋苑鹿江邊掃葉夕
陽僧吟餘却起雙峯念曾看庵西瀑布冰

夏日登慈恩寺

劉滄

金界時來一訪僧天香飄翠瑣牕凝碧池靜照寒松
影清晝深懸古殿燈晚景風蟬催節候高空雲鳥度
軒層塵機消盡話玄理暮磬出林疎韻澄

唐詩類苑

卷之百十三

十一

遊法華寺

宋之問

薄遊京都市日遙美稽山名分刺江海郡竭來徵素情
松露洗心眷象筵敷念誠薄雲界青嶂皎日騫朱甍
苔澗深不測竹房閒且清感真六象見垂兆二鵠鳴
古今信靈跡中州莫與京林嶽永棲業豈伊佐一生
浮悟雖已久事試去來成觀命幸相續庶幾最後明

經華嶽寺訪法華雲公

野寺聊解鞍偶見法華僧開門對西嶽石壁青稜層
竹逕厚蒼苔松門盤紫藤長廊列古畫高殿懸孤燈
五月山雨熟三峯火雲蒸側聞樵人言深谷猶積水

久願尋此山至今嗟未能謫官忽東走王程苦相仍
欲去戀雙樹何由窮一乘月輪吐山郭夜色空清澄

宿法華寺

崔國輔

松雨時復滴寺門清且涼此心竟誰證回愁支公牀
壁畫感靈跡龕經傳異香獨遊寄象外忽忽歸南昌

宿法華寺簡澈上人

僧皎然

至道無機但杳冥孤燈寒竹自青瑩不知何處小乘
客一夜風前聞誦經

宿法華寺

嚴維

一夕雨沈沈哀猿萬木吟陰天龍護法長老密看心
魚梵空山靜紗燈古殿深無生久已學白髮浪相侵

唐詩類苑

卷之百十三

十二

奉和獨孤中丞遊法華寺

皇甫冉

謝君臨郡府越國舊山川訪道三千界當仁五百年
巖空騶馭響樹密旌旌連閣影凌空壁松聲助亂泉
開門得初地伏檻接諸天向背春光滿樓臺古製全
群峰爭彩翠百谷會風烟香象隨僧久祥鳥報客先
清心乘暇日稽首慕良緣法證無生偈詩成大雅篇
蒼生望已久回駕獨依然

書法華寺上方禪壁

方干

砌下松巔有鶴棲孤猿亦在鶴遙啼臥聞雷雨歸巖

早坐見星辰去地低一徑穿緣應就郭千花掩映似
無溪是非生死多憂惱此日蒙師爲砌迷

題雲際寺上方

盧綸

松高蘿蔓輕中有石牀平下界水常急上方燈自明
空門不易啓初地本無程迴步忽山盡萬緣從此生

遊雲際寺

章孝標

衫袖拂青冥推鞍上翠屏塵埃辭馬尾城闕入牕櫺
雲領浮名去鐘撞大夢醒茫茫山下事滿眼送流萍

遊華山雲際寺

張喬

少華中峯寺高秋衆景歸地連秦塞起河翻晉山微

唐詩類苑

卷之二百七十三

十三

晚木蟬相應涼天鴈並飛慙懃記巖石祗恐再來稀

題雲際寺

李洞

開門風雪頂上微困飛禽像戲青冥裏人行紫閣陰
臘泉水下出夜磬月中尋盡欲居巖一作官室如何不

住心

宿雲際寺

溫庭筠

白蓋微雲一逕深東風弟子遠相尋蒼苔路熟僧歸
寺紅葉聲乾鹿在林高閣清香生靜境夜堂疎磬發
禪心自從紫桂巖前別不見南能直至今

遊靈巖寺

韋應物

始入松路永獨忻山寺幽不知臨絕檻乃見西江流
吳岫分烟景楚甸散林丘方悟關塞渺重軫故園愁
聞鐘戒歸騎憇澗惜良遊地疎泉谷狹春深草木稠
茲焉賞未極清景一作蟾期杪秋

宿靈巖寺

戴叔倫

馬疲盤道峻投宿入招提雨急山溪漲雲迷嶺樹低
涼風來殿角赤日下天西偃腹虛簷外林空鳥恣啼

題靈巖寺

白居易

娃宮屨廊尋已傾硯池香徑又欲平二三月時但草
綠幾百年來空月明使君雖老頗多思携觴領妓處

唐詩類苑

卷之百七十三

十四

處行今愁古恨入絲竹一曲涼州無限情直自當時
到今日中間歌吹更無聲

宿天竺寺

陶翰

松柏亂巖口山西微徑通天開一峯見宮闕生虛空
正殿倚霞壁千樓標石叢夜來猿鳥靜鐘梵寒雲中
岑翠映湖月泉聲亂溪風心超諸境外了與懸解同
明發氣候改起視長崖東湖色濃蕩漾海光漸腫朦
葛仙跡尚在許氏道猶崇獨往古來事幽懷期二公

遊天竺寺

崔顥

晨登天竺山山殿朝陽曉澗泉爭噴薄江岫相縈繞

直上孤頂高平看衆峯小南州十二月地暖冰雪少
青翠滿寒山藤蘿覆冬沼花龕瀑布側青壁石林杪
鳴鐘集人天施飯聚猿鳥洗意歸清淨澄心悟空了
始知世上人萬物一何擾

與從姪杭州刺史良遊天竺寺

李白

挂席凌蓬丘觀濤憇樟樓三山動逸興五馬同遨遊
天竺森在眼松風颯驚秋覽雲測變化弄水窮清幽
疊嶂隔遙海當軒寫歸流轉成傲雲月佳趣滿吳洲
留題天竺靈隱兩寺

白居易

唐詩類苑

卷之百七

十五

在郡六百日入山十二回宿因月桂落醉爲海榴開
黃紙除書到青宮詔命催僧徒多悵望賓從亦徘徊
寺暗烟埋竹林香雨落梅別橋憐白石辭洞戀青苔
漸出松間路猶飛馬上杯誰教冷泉水送我下山來

送崔十二遊天竺寺

李白

還聞天竺寺夢想懷東越每年海樹霜桂子落秋月
送君遊此地已屬流芳歇待我來歲行相隨浮溟渤

送堅上人歸杭州天竺寺

釋清江

十年勞負笈經綸化中朝流水知鄉近和風惜別遙
雲山零夜雨花岸上春潮臥南天竺禪心更寂寥

宿天竺寺

鄭巢

暮過潭上寺獨宿白雲間鐘磬遙連樹星河半隔山
石中泉暗落松外戶初關却憶終南裏前秋此夕還

宿天竺寺廻

白居易

野寺經三宿都城復一還家仍念婚嫁身尚繫官班
瀟灑秋臨水沈吟晚下山長閑猶未得逐日且偷閑

宿天竺寺

嚴維

方外主人名道林怕將水月淨身心居然對我說無
我寂歷山深將夜深

早秋寄題天竺靈隱寺

賈島

唐詩類苑

卷之百七

十六

峰前峰後寺新秋絕頂高聽見沃州人在定中聞蟋
蟀鶴從棲處挂獼猴山鐘夜度空江水汀月寒生古
石樓心憶懸帆身未遂謝公此地昔年遊

題鶴林寺

綦母潛

道門隱形勝向背臨層霄松覆山殿冷花藏溪路遙
珊珊寶幡挂熠熠明燈燒遲日半空谷春風連上潮
少憑水木興暫忝身心調願謝攜手客茲山禪誦饒

和崔日用遊開化寺閣

吳少微

左憲多材雄故人尤驚鸚鵡護贈單于使休軺太原郭
館次厭煩敲清懷尋寂寞西緣十里餘北上開化閣

初入雲樹間冥蒙未昭廓漸出欄楳外萬里秋景煒
歲晏風落山天寒水歸壑覽物頌幽景三乘動玄鑰
但敷利解言永用忘昏著

寺居清晨

劉復

高枕對曉月衣巾清且涼露華朝未晞滴瀝含虛光
隔竹聞汲井開扉見焚香幽心感衰病結念依法王
青冥早雲飛杳靄空鳥翔此情皆有釋悠然知所忘

秋夜宿龍門香山寺奉寄王方城十七丈奉

國瑩上人從弟幼成令問

李白

唐詩類苑

卷之百五十五

七

朝發汝海東暮棲龍門中水寒夕波急木落秋山空
望極九霄迴賞幽萬壑通目皓沙上月心清松下風
玉斗橫網戶銀河耿花宮興在趣方逸歡餘情未終
鳳駕憶王子虎溪懷遠公桂枝坐銷歇棣華不復同
流恨寄伊水盈盈焉可窮

秋宿鶴林寺

崔塗

步步入林中山窮意未窮偏逢僧話久轉與鶴樓同
燭焰風銷盡蘭條露濕空又須從此別江上正秋鴻
奉陪韋中丞使君遊鶴林寺

皇甫曾

古寺傳燈久層城閉閣閑香花同法侶旌旆入深山
寒磬虛空裏孤雲起滅間謝公憶高臥徒御欲忘還

奉陪韋潤州遊鶴林寺

李嘉祐

野寺江城近雙旌五馬過禪心超忍辱梵語問多羅
松竹間僧老雲烟晚日和寒塘歸路轉清磬隔微波

春晚遊鶴林寺寄使府諸公

李端

野寺尋春花已遲背巖唯有兩三枝平生携酒猶堪
醉爲報春風且莫吹

遊少林寺

沈佺期

唐詩類苑

卷之百五十五

六

長歌遊寶地徙倚對珠林鴈塔風霜古龍池歲月深
紺園澄夕霽碧殿下秋陰歸路烟霞晚山蟬處處吟
紺宇橫天室迴鑾指帝休曙陰迎日盡春氣抱巖流
空樂繁行漏香烟薄綵游玉膏從此泛仙馭接浮丘

幸少林寺應制

宋之問

遊少林寺

戴叔倫

步步招提路因之訪道林石龕蒼蘚積香徑白雲深
雙樹含秋色孤峰起夕陰屢廊行欲遍回首一長吟
從龍潭寺至少林寺題贈同遊者

白居易

山展田衣六七賢
攀芳踏翠弄潺湲
九龍潭月落杯
酒三品松風飄
管絃強健且宜遊
勝地清涼不覺過
炎天始知鶴駕乘
雲外別有逍遙地上仙

題石甕寺

馬戴

僧室並皇宮
雲門輦路同
渭分雙北闕
山迴五陵東
修綆懸林表
深泉汲洞中人烟
窺垤蟻鴛瓦拂冥鴻
蘇壁松生峭
龕燈月照空
稀逢息心侶
獨禮竺乾公

石甕寺

儲光羲

遙山起真宇
西向盡花林
下見宮殿小
上看廊廡深
苑花落池水
天語聞松音
真子又知我
焚香期化心

唐詩類苑

卷之二五十三

九

題石甕寺

范朝

勝境宜長望
遲春好散愁
關連四塞起
河帶八川流
複磴承香閣
重巖映彩樓
爲臨溫液近
偏美聖君遊

尋石甕寺上方

賈島

野寺入時春
雪後崎嶇得到此
房前老僧不出迎
朝客已住上方三十年

奉同曾郎中題石甕寺得嵌韻

王建

寺門連內遶
丹巖下界雲
開數過帆遙指上皇
驪曲處百官題字滿
西嵌

宿石甕寺

盧綸

殿有寒燈草有螢
千林萬壑寂無聲
烟凝積水龍蛇
蟄露濕空山星漢
明昏靄霧中悲世
界曙霞光裏見
王城迴瞻相好因
垂淚苦海波濤何
日平

題石甕寺

王建

青崖白石夾城東
泉脉鐘聲內裏通
地壓龍蛇山色
別屋連宮殿匠名
同簷燈經夏紗牕
黑溪葉先秋臘
樹紅天子親題詩
總在畫屏長鑲碧
壁一作龕中

冬夕寄青龍寺源公

郎士元

歛屨入寒竹
安禪過漏聲
高松殘子落
深井凍痕生

唐詩類苑

卷之二五十三

二十

罷磬風枝動
懸燈雪屋明
何當招我宿
乘月上方行

同中書劉舍人題青龍上方

韓翃

西掖歸來後
東林靜者期
遠峰春雪裏
寒竹暮天時
笑說金人偈
閒聽寶月詩
更憐茶興在
好出下方遲

題青龍寺

朱慶餘

寺好因岡勢
登臨值夕陽
青山當佛閣
紅葉滿僧廊
竹色連平地
蟲聲在上方
最憐東面靜
爲近楚城牆

遊青龍寺贈崔太補闕

韓愈

秋灰初吹季月
管日出卯南
暉景短友生
招我佛寺

行正值萬株紅葉滿光華閃壁見神鬼赫赫炎官張

火傘然雲燒樹火實駢金鳥下啄頰音虬卯魂翻眼

倒忘處所赤氣冲融無間斷有如流傳上古時九輪

照獨乾坤早二三道士席其間靈液屢進頗黎盃音

忽驚顏色變韶稚却信靈仙非怪誕桃源迷路竟茫

茫棗下悲歌徒纂纂前年嶺隅鄉思發躑躅成山開

不筭去歲羈帆湘水明霜楓千里隨歸伴猿呼鼯嘯

鷓鴣啼側耳酸腸難濯澣思君攜手安能得今者相

從敢辭懶由來鈍駭音寡參尋况是儒官飽閒散惟

君與我同懷抱鋤去陵谷置平坦年少得途未要忙

唐詩類苑 卷之二百七十三 王

時清諫疏尤宜罕何人有酒身無事誰家多竹門可

款須知節候卽風寒幸及亭午猶妍暖南山逼冬轉

清瘦刻畫圭角出崖窾音當憂復被冰雪埋汲汲來

窺誠遲緩

題青龍寺

賈島

碣石山人一軸詩終南山北數人知擬看青龍寺裏

月待無一點夜雲時

病後遊青龍寺

李端

病來形貌穢齋沐入東林境靜聞神遠身羸向道深

芭蕉高自折荷葉大先沈

和錢員外青龍寺上方望舊山

白居易

舊峯松雪舊溪雲悵望今朝遙屬君共道使臣非俗

吏南山莫動北山文

遊澹湖上寺

王珣

春山臨遠壑水木自幽清風志懷微尚茲焉一放情

雲間聽弄鳥烟上摘初英地側方無悶逾知道思精

遊澹湖上寺

趙冬曦

江外多山水招要步馬來琴將天籟合酒共鳥歌催

巖坐攀紅藥溪行愛綠苔所懷非此地遊望亦徘徊

唐詩類苑 卷之二百七十三

王

澹湖山寺二首

張說

空山寂歷道心生虛谷迢遙野鳥聲禪室泛來塵外

賞香臺豈是世中情雲間東嶺千尋出樹裡南湖一

片明若使巢由同此意不將蘿薜易簪纓

楚老遊山寺提攜觀畫壁揚袂指碑支睦盼相關閱

險哉透撞兒百金賭一擲成敗身自受傍人空歎息

題宣州開元寺

寺置於東晉時

杜牧

南朝謝朓城東吳最深處亡國去如鴻遺寺藏烟塢

樓飛九十尺廊環四百柱高高下下中風繞松桂樹

青苔照朱閣白鳥兩相語溪聲入僧夢月色暉粉曜

閱景無旦夕憑欄有今古留我酒一樽前山看春雨
留題開元寺上方 白居易

東寺臺閣好上方風景清數來猶未厭長別豈無情
戀水多臨坐辭花剌繞行最憐新岸柳手種未全成
宿岳陽開元寺 僧修睦

竟夕凭虛檻何當與歎頻往來人自老今古月長新
風送沈漁唱松疎露鶴身無眠鐘又動幾客在迷津
酬婁秀才寓居開元寺早秋月夜病中見寄 柳宗元

客有故園思瀟湘生夜愁病依居士室夢繞羽人丘

唐詩類苑

卷之百十三

五

味道憐知己遺名得自求

一作空

殘月曙門掩候

蟲秋謬委雙金重難徵雜珮酬碧霄無枉路徒此助
離憂

冬日宣城開元寺贈元孚上人

許渾

一鉢事南宗僧儀稱病容曹溪花裏別蕭寺竹前

間

逢燭影深寒殿經聲徹曙鐘欲齋簷睡下 一作 鵲初

定壁吟蛩詩繼休遺韻書傳未逸蹤藝多人譽洽機
絕道情濃汲澗瓶沈藻眠堦錫桂松雲鳴新放鶴池
卧舊降龍露茗山厨焙霜杭野碓春梵文明處譯禪

衲暖時縫層塔題應遍飛軒步不慵繡梁交辟荔畫
井倒芙蓉翠戶垂旗網朱牕列劍鋒寒風金磬遠晴
雪玉樓重妙理三乘達清才萬象供山高橫睥睨灘
淺聚臙腫微霧蒼平楚殘暉淡遠峯林疎霜撼撼波
靜月溶溶劍出因雷煥琴全遇蔡邕西方知有社支
許合相從

獨在開元寺避暑頗懷魯望因飛筆聯句

皮日休

煩暑雖難避僧家自有期泉甘於馬乳苔滑似龍漿
休任誕襟全散臨幽榻旋移松行將雅拜篁陣欲交

唐詩類苑

卷之百十三

五

塵望塔青髻識登樓白鶴知石經森欲動珠像儼

將怡筒簾臨杉穗紗巾透雨絲靜譚蟬噪少涼步鶴

隨遲 烟重迴蕉扇風輕拂桂帷對碑吳地說開卷

梵天詞積水魚梁壞殘花病枕歌懷君瀟灑處孤夢

繞梁思 龜 蒙

寄題宣州開元寺

杜牧

松寺曾同一鶴棲夜深臺殿月高低何人爲倚東樓
柱正是千山雪漲溪

夏夜上谷宿開元寺

賈島

詩成一夜月中題便卧松風到曙鷄帶月時聞山鳥